

Broj: 01-11-12-551-8/24
Sarajevo, 25.04.2024. godine

Na temelju člana 70. Zakona o javnim nabavkama („Službeni glasnik BiH”, br. 39/14 i 59/22), Plana nabavki Federalne uprave za geodetske i imovinsko-pravne poslove, broj: 01-11-12-399/24 od 22.02.2024. godine, Odluke o pokretanju otvorenog postupka javne nabavke usluga - „Štampanje TK 250“, broj: 01-11-12-551/24 od 14.03.2024. godine, te preporuke Komisije za javnu nabavku, date u Zapisniku o ocjeni ponuda, broj: 01-11-12-551-7/24 od 25.04.2024. godine, direktor Federalne uprave za geodetske i imovinsko-pravne poslove
d o n o s i

ODLUKU

o izboru najpovoljnijeg ponuđača u otvorenom postupku javne nabavke usluga – „Štampanje TK 250“

I

Prihvata se preporuka Komisije za provođenje otvorenog postupka javne nabavke usluga - „Štampanje TK 250“, data u Zapisniku o ocjeni ponuda, broj: 01-11-12-551-7/24 od 25.04.2024. godine, da se za najpovoljniju ponudu za predmetnu nabavku usluga prihvati ponuda ponuđača BNpro d.o.o. Sarajevo.

II

Ponuđaču BNpro d.o.o. Sarajevo, u skladu sa Ponudom, broj: 001/24 od 09.04.2024. godine, i cijenom ponude u iznosu od 17.094,00 KM bez PDV-a, odnosno u ukupnom iznosu od 19.999,98 KM sa PDV-om, dostavit će se prijedlog ugovora za javnu nabavku usluga - „Štampanje TK 250“.

III

Poziva se izabrani ponuđač BNpro d.o.o. Sarajevo da u roku od pet (5) dana od dana prijema ove Odluke dostavi sve kvalifikacijske dokaze (kao originale ili ovjerene fotokopije), a u vezi izjave iz člana 45. Zakona o javnim nabavkama („Službeni glasnik BiH”, br. 39/14 i 59/22), odnosno iz uslova lične sposobnosti ponuđača propisanih tačkom 5.1. tenderske dokumentacije.

IV

Ova Odluka dostavit će se izabranom ponuđaču BNpro d.o.o. Sarajevo u roku od tri (3) dana, a najkasnije u roku od sedam (7) dana od dana donošenja, preporučenom poštom ili neposredno.

V

U skladu sa odredbama člana 99. i člana 101. Zakona o javnim nabavkama, protiv ove Odluke može se uložiti žalba u roku od deset (10) dana od dana zaprimanja.

Žalba se podnosi Uredu za razmatranje žalbi putem ugovornog organa u pisanoj formi direktno ili preporučenom poštanskom pošiljkom.

Žalba se predaje neposredno ugovornom organu ili putem preporučene poštanske pošiljke, u dovoljnom broju primjeraka, a koji ne može biti manji od tri (3).

VI

Ova Odluka stupa na snagu danom donošenja.

Obrazloženje

Na temelju Zakona o javnim nabavkama („Službeni glasnik BiH”, br. 39/14 i 59/22) i Plana nabavki za 2024. godinu, broj: 01-11-12-399/24 od 22.02.2024. godine, Federalna uprava za geodetske i imovinsko-pravne poslove (u daljem tekstu: ugovorni organ) je Odlukom o nabavci, broj: 01-11-12-551/24 od 14.03.2024. godine, pokrenula otvoreni postupak javne nabavke usluga - „Štampanje TK 250“, u skladu sa tenderskom dokumentacijom i Obavještenjem o nabavci, broj: 399-1-2-3-3-1/24, objavljenim na web Portalu Agencije za javne nabavke BiH dana 18.03.2024. godine.

Postupak je provela Komisija za javnu nabavku (u daljem tekstu: Komisija) imenovana Rješenjem direktora Federalne uprave za geodetske i imovinsko-pravne poslove, broj: 01-11-12-551-1/24 od 14.03.2024. godine, koja je o istom sačinila Zapisnik o zaprimanju ponuda, broj: 01-11-12-551-4/24 od 09.04.2024. godine, Zapisnik o otvaranju ponuda, broj: 01-11-12-551-5/24 od 09.04.2024. godine i Zapisnik o ocjeni ponuda, broj: 01-11-12-551-7/24 od 25.04.2024. godine.

U skladu sa tenderskom dokumentacijom i Obavještenjem o nabavci sa web Portala Agencije za javne nabavke BiH, dana 09.04.2024. u 10:30h, na adresi ovog ugovornog organa, bez prisustva predstavnika ponuđača, izvršeno je javno otvaranje blagovremeno dostavljenih ponuda, i to ponude:

1. BNpro d.o.o. Sarajevo

Po predmetnom nadmetanju, Komisija je ustanovila da je do roka utvrđenog tenderskom dokumentacijom i obavještenjem o nabavci dostavljena ukupno jedna (1) ponuda za predmetnu nabavku usluga, i to ponuda ponuđača BNpro d.o.o. Sarajevo.

Pregledom i analizom navedene ponude, Komisija je konstatovala da je zaprimljena ponuda dostavljena na način predviđen tenderskom dokumentacijom, da je cijena ponude u skoro identičnom iznosu vrijednosti koja je procijenjena za ovu vrstu javne nabavke usluga, zatim da je ponuđač BNpro d.o.o. Sarajevo kvalifikovan za pružanje predmetnih usluga, te da je uz ponudu dostavljena sva obligatorna kvalifikaciona dokumentacija propisana tenderskom dokumentacijom. Tačkom III. ove Odluke izabrani ponuđač je pozvan da dostavi dokaze (originale ili ovjerene fotokopije) na način propisan tačkom 5.1. tenderske dokumentacije, a u vezi člana 45. Zakona o javnim nabavkama („Službeni glasnik BiH”, br. 39/14 i 59/22).

Komisija je također utvrdila da ponuda ne sadrži formalno-pravne, odnosno tehničke nedostatke u odnosu na tendersku dokumentaciju, a koji bi eventualno bili razlog za odbacivanje iste.

Tačkom 3.7. tenderske dokumentacije ovaj ugovorni organ je za predmetnu nabavku usluga predvidio postupak E-aukcije, međutim imajući u vidu da je zaprimljena samo jedna prihvatljiva ponuda, to u skladu sa odredbom člana 3. stav (3) Pravilnika o uslovima i načinu korištenja E-aukcije („Službeni glasnik BiH“, broj 66/16) nije bilo osnova za zakazivanje postupka E-aukcije.

Uzimajući u obzir naprijed navedeno, kao i kriterij prihvatljive ponude sa najnižom cijenom kao uslova za dodjelu ugovora, kako je to propisano tačkom 3.6. tenderske dokumentacije, Komisija je ocijenila da je ponuda ponuđača BNpro d.o.o. Sarajevo formalno-pravno i tehnički prihvatljiva, te da ispunjava sve obligatorne uslove tražene tenderskom dokumentacijom i projektnim zadatkom, pa je stoga direktoru Federalne uprave za geodetske i imovinsko-pravne poslove jednoglasno predložila donošenje odluke o izboru ove ponude kao najpovoljnije za javnu nabavku usluga - „Štampanje TK 250“.

U postupku donošenja ove Odluke, prihvata se preporuka i obrazloženje Komisije, dato u Zapisniku o ocjeni ponuda broj: 01-11-12-551-7/24 od 25.04.2024. godine, da se za najuspješniju ponudu u otvorenom postupku javne nabavke usluga - „Štampanje TK 250“ prihvati ponuda ponuđača BNpro d.o.o. Sarajevo, a koja je ocijenjena kao prihvatljiva, tehnički kvalifikovana i najpovoljnija, sa cijenom ponude u iznosu od 17.094,00 KM bez PDV-a, odnosno u ukupnom iznosu od 19.999,98 KM sa PDV-om.

U postupku analize provedenog postupka, ugovorni organ nije našao razloge nepravilnosti, niti propuste u radu, koji bi eventualno bili osnov za neprihvatanje preporuke Komisije.

Na prijedlog Komisije, ovaj ugovorni organ je donio Odluku kao u dispozitivu.

DIREKTOR

Zeljko Obradović, dipl.ing.geod.



Prilog: Zapisnik o ocjeni ponuda

DOSTAVITI:

1. BNpro d.o.o. Sarajevo;
2. Sektor za izmjeru, kartografiju i komasaciju zemljišta - o v d j e;
3. U spis.

